


<https://news.usm.my>

Berita Mutakhir

21 AUG

USAHA TINGKAT KECEKAPAN SUMBER MANUSIA USM





KUBANG KERIAN, KELANTAN, 21 Ogos 2016 - Universiti Sains Malaysia (USM) terus berusaha meningkatkan kecekapan proses kerja staf dengan mengadakan Makmal Penjajaran Sumber Manusia Teknik dan Kaedah Penyediaan JD dan SOP selama dua hari di sini yang melibatkan lebih 50 orang pegawai dalam semua skim perkhidmatan.

Berucap merasmikan makmal ini, Pengarah Sumber Manusia, Dr. Musa Ali berkata, usaha ini penting untuk mengemaskini satu standard Deskripsi Kerja (JD) dan panduan pentadbiran (SOP) apatah lagi banyak perubahan berlaku dalam pengurusan bakat dan sumber manusia terutamanya banyak lapisan perjawatan sekarang ini.

"Kita juga sedang berusaha untuk mengurangkan nisbah staf akademik dengan bukan akademik untuk dicapai dalam masa terdekat ini," kata Musa.

Sepanjang makmal ini berlangsung usaha dibuat untuk melihat semula, menambahbaik dan menyediakan panduan deskripsi tugas untuk semua perjawatan dengan menumpukan kepada kemahiran dan kompetensi tugas staf.

Makmal ini dikendalikan oleh Timbalan Pendaftar Sumber Manusia, Haji Husin Yahaya. Yang turut hadir pada majlis tersebut ialah Timbalan Pendaftar Kanan Haji Mohd. Saad Din, Haji Yusoff Abdullah dan Mohamad Abdullah.

Teks: Mohamad Abdullah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015